




历代小说笔记选

(唐)



## 出版说明

《历代小说笔记选》原由商务印书馆香港分馆出版。为满足读者需要，经我社与商务印书馆香港分馆商定，用该馆的纸型在广州重印，向内地发行。

# 歷代小說筆記選目次

## 唐

|       |        |
|-------|--------|
| 朝野僉載  | 二十五則   |
| 隋唐嘉話  | 二十四則   |
| 龍城錄   | 二十一則   |
| 大唐新語  | 三十九則   |
| 酉陽雜俎  | 三百二十三則 |
| 諾皋記   | 二十五則   |
| 支諾皋記  | 二十二則   |
| 因話錄   | 二十則    |
| 幽閑鼓吹  | 十三則    |
| 雲溪友議  | 二十八則   |
| 杜陽雜編  | 二十二則   |
| 開天傳信記 | 十則     |

目次

張 劉 柳 劉 段 段 段 趙 張 范 蘇 鄭  
 鷲 餽 宗 肅 成 成 成 麟 固 摠 鷓 繁

歷代小說筆記選 唐

博異志 四則

獨異志 五十一則

小名錄 二十二則

雲仙雜記 七十六則

記事珠 二十七則

諧噱錄 四十二則

玉泉子 十五則

開元天寶遺事 二十六則

撫言 三十一則

二

鄭還古

李冗

陸龜蒙

馮贇

馮贇

朱揆

闕名

五代 王仁裕

五代 王定保

# 歷代小說筆記選

唐

## 朝野僉載

唐張鷟

鄭愔爲吏部侍郎掌選。賊汚狼籍。引銓有選人繫百錢于靴帶上。愔問其故。答曰：「當今之選。非錢不行。」愔嘿而不言。

天后中契丹李盡忠萬榮之破營府也。以地牢囚漢俘數百人。聞麻仁節等諸軍欲至。乃令守囚鬻等給之曰：「家口飢寒不能存活。求待國家兵到。吾等卽降。」其囚曰：別與一頓粥。引出安慰曰：「吾此無飲食。養汝又不忍殺汝。總放歸若何。」衆皆拜伏乞命。乃給放去。至幽州。具說飢凍逗留。兵士聞之。爭欲先入。至黃蘆峪。賊又令老者投官軍。送遺老牛瘦馬于道側。麻仁節等之軍棄步卒。將馬先爭入。被賊設伏橫截。軍將被索縋之。生擒節等。死者填山谷。罕有一遺。

天后時謠言曰：「張公喫酒李公醉。」張公者斥易之兄弟也。李公者言李氏大盛也。廣州錄事參軍柳慶獨居一室。器用食物。並致臥內。奴有私取鹽一撮者。慶鞭之見血。夏侯彪夏月食飲生虫在下。未曾瀝口。嘗送客出門。奴盜食麋肉。彪還覺之。大怒乃捉蠅與食。令嘔出之。鄭仁凱爲密州刺史。有小奴告以履穿。凱曰：「阿翁爲汝經營鞋。」有頃門夫着新鞋者。至凱廳前樹上。

有鷲鳥。遣門夫上樹取其子。門夫脫鞋而緣之。凱令奴着鞋而去。門夫竟至徒跣。凱有德色。

安南都護鄧祐。韶州人。家巨富。奴婢千人。恆課口腹自供。未曾設客。孫子將一鴨私用。祐以擅破家資。鞭二十。洛陽縣丞宋之遜。性好唱歌。出爲連州參軍。刺史陳希古者。庸人也。令之遜教婢歌。每日端笏立于庭中。呦呦而唱。其婢隔窗從而和之。聞者無不大笑。

北齊高陽王入朝。上問何以爲樂。王曰。致蠖最樂。遂收蠖。一宿得五斛。置大浴斛中。一人脫衣而入。被蠖螫死。宛轉號叫。痛苦不可言。食頃而死。帝與王坐看之。極喜。

周嶺南首領陳元光設客。令一袍袴行酒。光怒令曳出。遂殺之。須臾爛煮以食客。後呈其二手。客將攫喉而吐。周瀛州刺史獨孤莊。酷虐有賊。問不承。莊引前曰。若健兒。一一具吐。放汝。送還巾帶。賊並吐之。諸官以爲必放。頃莊曰。將我作具來。乃一鐵鈎長丈餘。甚銛利。以繩掛放樹間。謂賊曰。汝不聞健兒鈎下死。令以胘鈎之。遣莊士掣其繩。則鈎出於腦矣。問司法曰。此法何似。答曰。弔民伐罪。深得其宜。莊大笑。後莊左降施州刺史。染病。唯憶人肉。部下有奴婢死者。遣人割筋下食之。歲餘卒。

殿中侍御史王旭。括宅中別宅女婦。風聲色目。有稍不承者。以繩勒其陰。令壯士彈竹擊之。酸痛不可忍。倒懸一女婦。以石鎚其髮。遣證與長安尉房恒姦。經三日不承。女婦曰。侍郎如此苦毒。兒死必訴於冥司。若配入宮。必申於主上。終不相放。旭慙懼乃捨之。

五溪蠻。父母死於村外。閣其屍三年而葬。打鼓路歌。親屬飲宴舞戲。一月餘日。盡產爲棺殮。臨江高山半肋。鑿龕以葬之。自山上懸索下柩。彌高者以爲至孝。卽終身不復祠祭。初遭喪三年不食鹽。

嶺南獠民。好爲蜜鯽。卽鼠胎未瞬。通身赤蠕者。飼之以蜜。釘之筵上。囁囁而行。以筋挾取啖之。唧唧作聲。故曰蜜鯽。

天后中成王千里將一虎子來。宮中養。損一宮人。遂令生餓數日而死。天后令葬之。其上起塔。設千人供。勒碑號爲虎塔。至今猶存。

尙書右陸丞餘慶。轉洛州長史。其子嘲之曰。「陸餘慶筆頭無力。嘴頭硬。一朝受詞訟。十日判不竟。」送案褥下。餘慶得而讀之。曰。「必是那狗。」遂鞭之。

兵部郎中朱前疑。貌醜。其妻有美色。天后時。洛中殖業坊西門酒家婢。蓬頭垢面。偃肩皤腹。寢惡之狀。舉世所無。而前疑大悅之。殆忘寢食。乃知前世言宿瘤蒙愛。信不虛也。夫人生嗜慾。一何殊性。前聞文王嗜昌歠。楚王嗜芹菹。屈到嗜芟。曾皙嗜羊棗。宋劉雍嗜瘡痂。本傳曰。「雍詣前吳興太守孟靈休。靈休脫襪。粘灸瘡痂墜地。雍俯而取之。殮焉。」宋明帝嗜蜜漬蠅螬。每啖數升。是知海上逐臭之談。陳君愛醜之說。何其怪歟。

王顯與文皇。有嚴子陵之舊。每掣褲爲戲。擣帽爲歡。帝微時。嘗戲曰。「王顯抵老不作繭。」及帝登極。而顯謁。因奏曰。「臣今日得作繭耶。」帝笑曰。「未可知也。」召其三子。皆授五品。顯獨不及。謂曰。「卿無貴相。朕非爲卿惜也。」曰。「朝貴而夕死足矣。」時僕射房玄齡曰。「陛下既有龍潛之舊。何不試與之。」帝與之三品。取紫袍金帶與之。其夜卒。

周定州刺史孫彥高。被突厥圍城數十重。不敢詣廳。文符須徵發者。於小窗接入。鎖州宅門。及賊登壘。乃

入櫃中藏。令奴曰：「牢掌鑰匙。賊來索。慎勿與。」昔有愚人入京。選皮袋被賊盜去。其人曰：「賊偷我袋。將終不得我物用。」或問其故。答曰：「鑰匙尙在我衣帶上。彼將何物開之。」此孫彥高之流也。

楊滔爲中書舍人時。促命制敕。令史持庫鑰。他適無舊本檢尋。乃斲窗取得之。時人號爲斲窗舍人。

杭州參軍獨孤守忠。領租船赴都。夜半急追集船人。更無他語。乃曰：「送風必不得張帆。」衆大哂焉。

周張衡令史出身。位至四品。加一階。合入三品。已團甲。因退朝。路旁見蒸餅新熟。遂市其一。馬上食之。被御史彈奏。則天乃降勅。流外出身。不許入三品。遂落甲。

通州界內多獺。各有主養之。並在河側岸間。獺若入穴。插雉尾於獺穴前。獺即不敢出去。却尾即出。取得魚。必須上岸。人便奪之。取得多。然後放令自喫。喫飽即鳴杖以驅之。還插雉尾。便不敢出。

元嘉少聰俊。左手畫員。右手畫方。口誦經史。目數羣羊。兼成四十字詩。一時而就。足書五言一絕。六事齊舉。代號神仙童子。

安南武平縣封溪中。有猩猩焉。如美人。解人語。知往事。以嗜酒。故以屐得之。檻百數。同牢欲食之。衆自推肥者相送。涕流而別。時餉封溪令。以帕蓋之。令問何物。猩猩乃籠中語曰：「惟有僕並酒一壺耳。」令笑而愛之。養畜能博送言語。人不如此。

彬州刺史王琚。刻木爲獺。沉於水中。取魚引首而出。蓋獺口中安餌。爲轉關。以石縋之。則沉。魚取其餌。關即發。口合則啣魚。石發則浮出。

薛寶惑者。善投壺。龍躍隼飛。矯無遺箭。置壺於背後。却反矢以投之。百發百中。

## 隋唐嘉話

唐劉 餗

薛道衡聘陳爲人日詩云。「入春纔七日。離家已二年。」南人嗤之曰。「是底言誰謂此虜解作詩。」及云。「人歸落雁後。思發在花前。」乃喜曰。「名下固無虛士。」

李德林爲內史令。與楊素共執隋政。素功臣豪侈。後房婦女。錦衣玉食千人。德林子百藥。夜入其室。則其寵妾所召也。素俱執於庭。將斬之。百藥年未二十。儀神雋秀。素意惜之。曰。「聞汝善爲文。可作詩自叙。稱吾意。當免汝死。」一解縛。授以紙筆。立就。素覽之。欣然以妾與之。并資從數十萬。

煬帝善屬文。而不欲人出其右。司隸薛道衡。由是得罪。後因事誅之。曰。「更能作空梁落燕泥否。」

煬帝爲燕歌行。文士皆知著作郎王胄。獨不下帝。帝每銜之。胄竟坐此見害。而誦其警句。曰。「庭草無人隨意綠。一復能作此語耶。」

僕射蘇威。有鏡殊精好。曾日蝕。其鏡亦昏黑。無所見。威以爲左右所污。不以爲意。他日。日蝕半缺。其鏡亦半昏如之。於是始實藏之。後櫃內有聲如磬。尋之。乃鏡聲也。無何。而子夔死。後更有聲。無何。而威敗。後不知所在云。

平陽公主。聞高祖起義太原。乃於鄴司竹園。招集亡命。以迎軍。時謂之娘子軍。

太宗每謂人曰。「人言魏徵舉動疎慢。我但覺其嫵媚耳。」

貞觀四載。天下康安。斷死刑至二十九人而已。戶不夜閉。行旅不賣糧也。

鄭公嘗拜婦還。謂太宗：「人言陛下欲幸江南，在外悉備裝具，而竟不行，因何有此消息？」帝笑曰：「時實有此心，畏卿墮，遂停耳。」

太宗令虞監寫烈女傳，以裝屏風，未及求本，乃暗書之一字無失。

太宗將致櫻桃於鄴公，稱奉則以尊，言賜又以卑，乃問之虞監曰：「昔梁武帝遺齊巴陵王稱餉。」遂從之。太宗嘗出行，有司請載副書以從，上曰：「不須，虞世南在此行祕書也。」

高開道作亂幽州，矢陷其頰，召醫使出之，對以鏃深不可出，則俾斬之。又召一人如前對，則又斬之。又召一人如前曰：「可出，然王須忍痛。」因鉞面鑿骨，置楔於其間，骨裂開寸餘，抽出箭鏃，開道奏伎進膳，不輟。

太宗謂尉遲公曰：「朕將嫁女與卿，稱意否？」敬德謝曰：「臣婦雖鄙陋，亦不失夫妻情，臣每聞說古人語，富不易妻，仁也。臣竊慕之，願停聖恩。」叩頭固讓，帝嘉之而止。

高宗之將册武后，河南公褚遂良謀於趙公無忌，英公勸將以死爭，趙公請先入，褚曰：「太尉國之元舅，脫事有不如意，使上有怒舅之名，不可。」英公曰：「勸請先入。」褚曰：「司空國之元勳，有不如意，使上有罪功臣之名，不可。」遂良起，自草茅無汗馬功，蒙先帝殊遇，以有今日，且當不諱之時，躬逢遺詔，不效其愚衷，何以下見先帝？」揖二公而入，帝深納其言，事遂中寢。

高宗時，司農欲以冬藏餘菜，賣之百姓，以墨勅示僕射蘇良嗣，判曰：「昔公儀相魯，猶拔去園葵，欲臨御萬邦，而販蔬鬻菜，事竟不行。」

楊汴州德幹。高宗朝爲萬年令。有宦官恃貴寵。放鷓不避人禾稼。德幹擒而杖之二十。悉拔去鷓頭。宦者涕泣。袒背以示於帝。帝曰：「汝情知此漢猶何須犯他百姓。」竟不之問。

京城諸州邸。貞觀所造。至開元初。李尚書人悉賣與居人。以錢入官。

武后以吏部選人多不實。乃令試日自糊其名。暗考以定等第。判之糊名自此始。

武后時。投匭者多不陳事。而謾以嘲戲之言。於是乃置使先閱其書奏。然後投之匭中。有司自此始也。

徐大理有功。每見武后將殺人。必據法廷爭。嘗與后反覆。辭色逾厲。后大怒。令拽出斬之。猶迴顧曰：「臣身雖死。法終不可改。」至市。臨刑得免。除名爲庶人。如是再三。終不挫折。朝廷倚賴。至今猶懷之。其子預選有司。皆曰：「徐公之子。」豈可拘以常調者乎。

皇甫文備。武后時酷吏也。與徐大理論獄。誣徐黨逆人。奏成其罪。武后特出之。無何。文備爲人所告。有功。訊之在寬。或曰：「彼曩時將陷公於死。今公反欲出之。何也。」徐曰：「汝所言者私忿也。我所守者公法也。安可以私害公。」

李昭德爲內史。婁師德爲納言。相隨入朝。婁體肥行緩。李屢顧待不即至。乃發怒曰：「耐耐殺人田舍漢。」婁聞之。反徐笑曰：「師德不是田舍漢。更阿誰是。」師德弟拜代州刺史。將行。謂之曰：「吾以不才位居宰相。汝今又得州牧。叨據過分。人所嫉也。將何以全先人髮膚。」弟長跪曰：「自今雖有唾某面者。某亦不敢言。但拭之而已。以此自勉。庶免兄憂。」師德曰：「此適爲我憂也。夫人唾面者。發於怒也。汝今拭之。是惡其唾而拭。逆人之怒也。唾不拭。將自乾。何若笑而受之。」武后年竟保寵祿。

張昌儀兄弟恃易之昌宗之寵所居奢溢逾於王主末年有人題其門曰「一絢絲能得幾日絡」昌儀見之遽下筆書其下曰「一日卽足」無何而禍及

狄內史仁傑始爲江南安撫使以周赧王楚王項羽吳王夫差越王句踐吳夫暨王春申君趙佗馬援吳桓王等神廟七百餘所有害於人悉除之惟夏禹吳太伯季札伍胥四廟存焉

魏僕射元忠每立朝必得常處人或記之不差尺寸魏僕射本名真宰武后朝被羅織下獄有命出之小吏聞者以告魏驚喜曰「汝名何」曰「元忠」乃改從元忠焉

# 龍城錄

唐柳宗元

## 魏徵嗜醋芹

魏左相忠言讜論，贊襄萬機，誠社稷臣。有日退朝，太宗笑謂侍臣曰：「此羊鼻公，不知遺何好而能動其情。」侍臣曰：「魏徵好嗜醋芹，每食之欣然稱快，此見其真態也。」明日召賜食，有醋芹三盃，公見之欣喜翼然，食未竟而芹已盡。太宗笑曰：「卿謂無所好，今朕見之矣。」公拜謝曰：「君無爲故，無所好，臣執作從事，獨癖此收斂物。」太宗默而感之，公退，太宗仰睨而三嘆之。

## 武居常有身後名

武居常，天后高祖也。少時遊洛下，人呼爲猴頰郎，以居常頰下有鬚，若猿頰也。其上有四鬢，一日伊水上過一丐者，曰：「郎君當有身後名，面骨法當刑，然有女當八十年後起家暴貴，尋亦浸微。」居常不信，後卒如言，何者豈非異人乎。

## 房玄齡爲相無嗣

房玄齡來買卜成都，日者笑而掩象曰：「公知名當世，爲時賢相，奈無嗣，相紹何。」公怒，時遺直已三歲在側，日者顧指曰：「此兒此兒，絕房氏者此也。」公大悵而還，後皆信然也。

## 趙師雄醉憩梅花下

隋開皇中，趙師雄遷羅浮。一日天寒日暮，在醉醒間，因憩僕車于松林間，酒肆旁舍，見一女人，淡粧素服。

出遊師雄時已昏黑。殘雪對月色微明。師雄喜之。與之語。但覺芳香襲人。語言極清麗。因與之扣酒家門。得數盃。相與飲。少頃有一綠衣童來。笑歌戲舞。亦自可觀。頃醉寢。師雄亦懵然。但覺風寒相襲。久之。東方已白。師雄起視。乃在大梅花樹下。上有翠羽啾嘈相顧。月落參橫。但惆悵而已。

寧王畫馬化去

寧王善畫馬。開元興慶池南華萼樓下。壁上有六馬滾塵圖。內明皇最眷愛。玉面花驄。謂無纖悉不備。風鬃霧鬣。信偉如也。後壁唯有五馬。其一者失去。信知神妙。將變化俱也。

房玄齡有大譽

房玄齡幼稱曰王通說其父。謂此細眼奴。非立志。則爲亂賊。輔帝者則爲儒師。綽有大譽矣。

閣立本有丹青之譽

閣立本畫宣王吉日圖。太宗文皇帝上爲題字。時朝中諸公皆議論東都從幸。上出示圖於諸臣。稱爲越絕前世而上。忽藏於衣袖。笑謝而退。自是立本有丹青之譽。

王宏善爲八體書

王宏濟南人。太宗幼日同學。因問爲八體書。太宗旣卽極。因訪宏。而鄉人竟傳隱去。是亦子陵之徒歟。

張昶著龍山史記註

沈休文有龍山史記註。卽張昶著。昶後漢末大儒。而世亦不稱譽。余少時。江南李育之來訪。余求進此文。後爲火所焚。更不復得。豈斯文天欲祕者耶。

王漸作孝經義

國初有孝子王漸。作孝經義。成五十卷。事亦該備。而漸性鄙朴。凡鄉里有鬪訟。漸即詣門。高聲誦義一卷。反爲漸謝。後有病者。即請漸來誦書。尋亦得愈。其名藹然。余時過汴州。適會路逢一老人。亦談此事。頗亦敬其誠也。

老叟講明種藝之言

余南遷度高鄉。道逢老叟。與年少於路坎。講明種藝。其言深耕溉種。時耘時耔。却牛馬之踐履。去螟螣之戕害。勤以朝夕。滋之糞土。而有秋之利。蓋富有年矣。若夫堯湯之水旱。霜雹之不時。則在夫天也。余感此言。將書諸紳。贊於治民理生者。無所施而不可。而又至言也。

李明叔精明古器

建康李生明。字明叔。真可人。書生好古博雅者。一日就京師謁余。裹飯從游於秦渭之間。此人宦意畏巧而淡。然蔽於古器。凡自戰國泊於蕭梁之間。譜所載者。十得五六。而皆精製奇巧。後世莫追。然生頗爲文思澀。設諸勤求古器。心在於文書間。亦足以超偉於當代也。

明皇夢姚宋當爲相

上皇初登極。夢二龍銜符。目紅霧中來。上大隸姚崇。宋璟四字。掛之兩大樹上。宛延而去。夢迴。上召申王圓兆。王進曰。「兩木相也。二人名爲天遣龍。致於樹。即姚崇。宋璟當爲輔相兆矣。」上嘆異之。

太宗沉書於滹沱

太宗文皇帝平王世充。於圖籍有交關語言。構怨連結文書數百事。太宗命杜如晦掌之。如晦復稟上。當如何。太宗曰。付諸曹吏。行頃聞於外。有大臣將自盡者。上乃復取文書。背裏一物。疑石重。上親裏百重。命中使沉滯沱中。更不復省。此與光武焚交謗數千章者何異。

尹知章夢持巨鑿破其腹

尹知章字文叔。絳州翼城人。少時性惰。夢一赤衣人持巨鑿破其腹。若內草茹於心中。痛甚。驚寤。自後聰敏。爲流輩所尊。開元中。張說表諸朝。上召見延英。上問曹植幽思賦。何爲遠取景物爲句。意旨安在。知章對以植所謂賦。作不徒然。若倚高台之曲。謁望且重也。處幽僻之闢。深位至卑也。望翔雲之悠悠。嗟朝露而夕陰。以爲物無止定之意。而上多改易也。顧秋華之零落。歲將暮也。感歲暮而傷心。年將易也。觀躍魚於南沼。使智者居於明。非得志也。聆鳴鶴於北林。怨寡和也。搦素筆而慷慨。守文而感也。揚大雅之哀吟。憫其時也。仰清風以嘆息。思濯煩也。寄予思於悲絃。志在古也。信有心而在遠。措者大也。重登高以臨川。及上下也。何余心之煩錯。寧翰墨之能傳。意不盡也。此幽思所以賦也。上敬異之。擢禮部侍郎。集賢院正字。

高皇帝宴賞牡丹

高皇帝御羣臣賦宴賞雙頭牡丹詩。惟上官昭容一聯爲絕麗。所謂「勢如連壁友。心若臭蘭人」者。使夫婉兒稍知義訓。亦足爲賢婦人。而稱量天下。何足道哉。此禍成所以無赦於死也。有文集一百卷。行於世。

魏徵善治酒

魏左相能治酒有名曰醕。醕，綠翠濤常以大金罍內貯盛十年飲不敗其味卽世所未有。太宗文皇帝嘗有詩賜公稱「醕綠勝蘭生翠濤過玉薤千日醉不醒十年味不敗」。蘭生卽漢武百味旨酒也。玉薤煬帝酒名公此酒本學釀於西胡人豈非得大宛之法司馬遷所謂富人藏萬石蒲萄酒數十歲不敗者乎。

裴令公訓子

裴令公常訓其子凡吾輩但可文種無絕然其間有成功能致身爲萬乘之相則天也。

賈宣伯有治三蟲之藥

賈宣伯有神藥能治三蟲止熬黃藥以熱酒沃之別無他味一日過松江得巨魚置於水罟中因投小刀圭藥魚引吸中卽死取視則見八足若爪利焉日有風自龍見處西南來飛屋拔木白晝暝。

趙昱斬蛟

趙昱字仲明與兄冕俱隱青城山後事道士李珣隋末煬帝知其賢徵召不起督讓益州太守臧賡強起昱至京師煬帝糜以上爵不就獨乞爲蜀太守帝從之拜嘉州太守時犍爲潭中有老蛟爲害日久截沒舟船蜀江人患之昱蒞政五月有小吏告昱會使人往青城山置藥渡江溺使者沒舟航七百艘昱大怒率甲士千人及州屬男子萬人夾江岸鼓譟聲振天地昱乃持刀沒水頃江水盡赤石崖半崩吼聲如雷昱左手執蛟首右手持刀奮波而出州人頂戴事爲神明隋末大亂潛以隱去不知所終時嘉陵漲溢水勢洶然蜀人思昱頃之見昱青霧中騎白馬從數獵者見於波面揚鞭而過州人爭呼之遂大怒眉山太